



Verneområdestyret  
Setesdal Vesthei,  
Ryfylkeheiane og  
Frafjordheiane

Postadresse  
Postboks 788 Stoa  
4809 ARENDAL

Besøksadresse  
Garaneset, 4230 Sand

Kontakt  
Sentralbord: +47 37 01 75 00  
Direkte: +47  
fmavpost@statsforvalteren.no  
<https://www.nasjonalparkstyre.no/svr>

DOKKADELTAET NASJONALE VÅTMARKSSENTER AS  
Gamlevegen 84  
2879 ODNES

Saksbehandler Alf Odden

Vår ref. 2022/4759-0

Deres ref.

Dato 18.05.2022

### Delegert vedtak

Delegasjonssak

37/22

### DELEGASJONSSAK RO 14/2022

## Innvilga søknad om dispensasjon til innsamling av planter, moser, lav og sopp i Nordraheia naturreservat i Hjelmeland kommune - Dokkadeltaet nasjonale våmarkssenter A/S

Viser til søknad datert 04.04.2022 om dispensasjon frå vernereglene til innsamling av planter, moser, lav og sopp i Nordraheia naturreservat. Forvalningssekretariatet for Verneområdestyret for Setesdal Vesthei, Ryfylkeheiane og Frafjordheiane har etter delegert mynde fatta det dette vedtaket 20.05.2022.

Med vennleg helsing

Alf Odden  
Verneområdeforvaltar SVR

*Brevet er godkjent elektronisk og sendast utan underskrift*

Kopi til:

Alf Odden  
Haldis Nilsen  
Hjelmeland kommune  
Statsforvalteren i Rogaland

Vågavegen 116  
Postboks 59 Sentrum

4130 HJELMELAND  
4001 STAVANGER



## **Vedtak**

Med heimel i §48 i naturmangfaldlova, får Dokkadeltaet nasjonale våtmarkssenter dispensasjon til avgrensa innsamling av plantar, moser, lav og sopp for vidare artsbestemming.

Dispensasjonen gjeld for heile Nordraheia naturreservat for tidsrommet 20.05-31.10.2022.

Dispensasjonen gjeld for tilsette i Dokkadeltaet nasjonale våtmarkssenter i samband med pågående NiN-kartlegging i naturreservat i Rogaland.

Dispensasjonen grunngjenvast med at ei avgrensa og skånsam innsamling av artar, i tråd med vilkåra i dispensasjonen, vil ikkje vil ikkje ha nemneverdig negativ innverknad på verneverdiene i naturreservatet.

Dispensasjonen blir gitt med desse vilkåra:

- Kvar kartleggar skal ha tilstrekkeleg kjennskap til vilkåra i dispensasjonen
- Kartleggerane pliktar til sette seg inn i kva raudlista artar ein kan forvente å finne i områda
- Innsamling av materiale frå potensielt truga artar skal berre skje når det er ein absolutt føresetnad for sikker artsbestemming, og når det er forsvarleg ut frå populasjonen si overleving.
- Dispensasjonen omfattar ikkje masseinnsamling for etterbestemming
- Innsamlinga av artar må skje skånsamt og i så liten grad som mogleg forstyrre substratet som individet er henta frå
- Ved innsamling av andre artar må det ikkje fjernast meir av individua enn strengt naudsynt for bestemming
- Ved innsamlinga må ein unngå og samle inn same art fleire gonger
- Innsamla materiale skal innlemmast i eit av universitetsherbaria
- Alle funn skal registrerast i Artsobservasjoner

## **Klagerett**

*Vedtaket kan påklagast til Miljødirektoratet. Klaga skal sendast til verneområdestyret for vidare handsaming. Klagefristen er 3 veker frå mottak av vedtaket. Alle partar med klagerett har rett til innsyn i saksdokumenta. Skrifteleg klage skal sendast til Verneområdestyret for SVR Pb. 788 Stoa, 4809 ARENDAL eller på e-post til [sfaqpost@statsforvalteren.no](mailto:sfaqpost@statsforvalteren.no). Oppgi kva for eit vedtak det vert klaga på, dei endringane klagar ynskjer og grunngjeving for klaga. Dersom det vert klaga så seint at det kan vere tvil om det er klaga i rett tid, må det opplysts når brevet kom fram.*

## **Bakgrunn for søknaden**

Viser til søknad datert 04.04.2022.

Dokkadeltaet nasjonale våtmarkssenter A/S søker om dispensasjon til innsamling av karplantar, mosar, lav og sopp frå Nordraheia naturreservat for vidare artsbestemming. Dokkadeltaet nasjonale våtmarkssenter har fått eit oppdrag om basiskartlegging av til saman seks naturreservat i Rogaland frå Miljødirektoratet, og dispensasjonssøknaden gjeld gjennomføring av dette oppdraget.

Statsforvalteren i Rogaland har gitt ein liknande dispensasjon for dei naturreservata dei har forvaltningsmynde for.

## **Formell bakgrunn for vurdering og vedtak**



- Forskrift om vern av Nordraheia naturreservat av 12.06.2019
- Naturmangfaldlova.

#### Heimelsgrunnlag

Nordraheia naturreservat vart verna ved Kongeleg resolusjon av 12. juni 2019.

Føremålet med vernet er etter §1 i Forskrift om vern av Nordraheia naturreservat er å ta vare på eit område som representerer ein bestemt type natur i form av eit stort, samanhengande skogsområde med særleg fattig og fuktig kystfuruskog. Området har også innslag av gamal furuskog, edellauvtre på rikare mark med grove, gamle styvar av ask.

Det er ei målsetjing å ta vare på verneverdiane i mest mogleg urørd tilstand, og eventuelt vidareutvikle dei.

Uttak av plantemateriale i Nordraheia naturreservat blir regulert av verneforskrifta §3 bokstav a, kor det heiter at vegetasjonen, medrekna daude buskar og tre, er verna mot skade og øydelegging. Det er forbode å fjerne planter og sopp inkludert lav eller delar av desse frå naturreservatet. Planting eller såing av tre og annan vegetasjon er forbode.

Verneforskrifta inneholder ikkje spesifikke bestemmingar som opnar for uttak av plantemateriale for artsbestemming. Tiltaket det er søkt om må derfor ha dispensasjon etter §48 i naturmangfaldlova for å kunne gjennomførast.

I §48 i Naturmangfaldslova heiter det at "Forvaltningsmyndigheten kan gjøre unntak fra et verneverd tak dersom det ikke strider mot verneverd takets formål og ikke kan påvirke verneverdiene nevneverdig, eller dersom sikkerhetshensyn eller hensynet til vesentlige samfunnsinteresser gjør det nødvendig".

Rundskrivet *Forvaltning av verneforskrifter* (Miljødirektoratet 2014) gir føringer for dispensasjonsbehandling etter § 48. I følge rundskrivet må følgende to vilkår begge være oppfylt for å kunne gi dispensasjon:

1. Tiltaket kan ikkje påverke verneverdiane nemneverdig.
2. Tiltaket må ikkje vere i strid med formålet med vernet.

Miljødirektoratet understrekar at høvet til å gi dispensasjoner etter § 48 er snevert:

"Kravet om at tiltaket ikke skal påvirke verneverdiene nevneverdig innebærer at dispensasjonsadgangen er snever. Det kan bare dispenseres i de tilfeller tiltaket vil ha ubetydelig eller begrenset virkning for verneverdiene. Dette kan være ved midlertidige eller forbigående forstyrrelser, eller enkeltstående aktiviteter eller tiltak".

I rundskrivet heter det vidare at: "I vurderinga av om tiltaket eller aktiviteten er i strid med verneverd målet, er betydningen for verneverd målet både på kort og lang sikt relevant. Et tiltak eller en aktivitet kan være i strid med verneverd målet dersom tiltaket eller aktiviteten på sikt eller over tid kan ha negativ innvirkning på verneverd målet".

Verneområdestyret for Setesdal Vesthei, Ryfylkeheiane og Frafjordheiane har forvaltningsmynde for Frafjordheiane landskapsvernombane. I styresak 32/2018 delegerte verneområdestyret avgjerslemyndighet for i saker av ikkje-prinsipiell karakter for følgande sakstyper til verneområdeforvaltarane:

- Saker etter verneforskriftenes spesifiserte dispensasjonsbestemmelser om



ferdsel og motorferdsel.

- Saker etter verneforskriftens øvrige spesifiserte dispensasjonsbestemmelser og etter naturmangfoldloven § 48 der:
  - a) Det dreier seg om fornying av dispensasjon gitt av styret eller arbeidsutvalget, og forutsetningen er tilnærmet uendret.
  - b) Det foreligger etablert forvaltningspraksis fra saker behandlet av styret/AU i tilsvarende sak.
  - c) Forvaltningsplanen gir entydige føringer for utfallet.

Det er gitt ein liknande dispensasjon for Ørestø naturreservat i delegert vedtak 61/2021. Det leggast og vekt på at Statsforvaltaren i Rogaland har gitt tilsvarande dispensasjon til liknande tiltak i andre naturreservat.

### **Vurdering**

#### *Naturmangfoldlova*

Etter § 7 i Naturmangfoldlova skal dei miljørettslege prinsippa i §8-12 leggast til grunn som retningslinjer ved utøving av offentleg myndighet. Forvaltingsmyndigheita må ved alle tiltak som vedkjem naturmangfaldet, vurdere søknadane etter desse paragrafane.

#### *Innverknad på verneverdiar og verneføremål*

Staden det er søkt om hogst av ved ligg rett aust for Kaldavatnet om lag 440-475 m.o.h. i eit småkupert landskap under tregrensa. Det aktuelle området består i hovudsak av relativt fattig blåbærskog kor bjørk er det dominerande treslaget.

Kunnskap om naturmangfaldet i området baserer seg og på Miljødirektoratet sin naturdatabase med innsyn til sensitiv informasjon ([www.naturbase.no](http://www.naturbase.no)) og tilsvarande informasjon i Temakart Rogaland, samt Ecofact sin rapport 574: Naturfaglige registreringer i skog 2016. Frivillig vern – Funningsland.

Så langt forvalningsstyresmakta kjenner til frå nemnte rapport og søk i Naturbase, er det ikkje registrert informasjon om prioriterte arter, trua eller nær trua arter på Norsk raudliste for arter 2021 eller andre verdifulle arter. Det er heller ikkje registrert informasjon om utvalde naturtypar, trua eller nær trua naturtypar på Norsk raudliste for naturtypar 2018 eller andre verdifulle naturtypar. Det er heller ikkje komme fram andre opplysningar som tyder på at det finns slike arter og/eller naturtypar i det aktuelle området.

Kunnskap om kulturminne i området baserer seg på Riksantikvaren sin kulturminnebase ([www.askeladden.no](http://www.askeladden.no)). Her er det registrert tufter etter ein støl rett vest for hytta. Etter forvalningsstyresmakta si vurdering, vil ikkje dette kulturminne ta skade av vedhogsten det er søkt om.

Kunnskapsgrunnlaget (§8) som ligg føre for å vurdere dei omsøkte tiltaka si innverknad på verneverdiar og verneføremål, må derfor vurderast som godt. §9 om ”Føre var prinsippet” vil derfor bli tillagt mindre vekt i dei følgjande vurderingane.

§10 tek føre seg den samla belastninga av økosystemet i området. Utover fem hytter er det ikkje andre tekniske inngrep i naturreservatet og ferdsla i området er svært avgrensa. For tre av hyttene er det gitt dispensasjon til vedhogst til eige bruk i nærområdet til hyttene.



Ei avgrensa og skånsam innsamling av artar vil, etter verneområdeforvaltar si vurdering, i liten grad medføre ein nemneverdig belastning på økosystemet i Nordraheia. Ein føresetnad for vurderinga er at innsamlinga skjer i tråd med vilkåra i dispensasjonen.

§12 omhandlar miljøforsvarleg teknikkar, driftsmetodar og lokalisering. Etter forvaltningsmyndigheita si vurdering vil det være nødvendig med ei avgrensa innsamling av plantemateriale for vidare artsbestemming. Innsamlinga må skje på ein skånsam måte i tråd med vilkåra i dispensasjonen.

§11 legg til grunn at eventuelle kostnader ved miljøforringing skal bærast av tiltakshavar. Tiltakshavar er fullt og heilt ansvarleg for ei miljømessig god løysing.

#### *Konklusjon*

Den omsøkte innsamlinga av artar vil ikkje ha ein nemneverdig negativ innverknad på verneverdiene i Nordraheia naturreservat, og vil ikkje være i strid med verneføremålet. Det kan derfor gis dispensasjon etter §48 i naturmangfaldlova.